

KYRKJEBLADET FOR AUKRA

80. årgang sommernummer 2023



INFORMASJONSAVIS



STRIKKEGUDSTENESTE - KYRKJETENARANE - TUR TIL ORTEN - TYSDAGSKAFÉ
FEITETYSDAG - MISJONSPROSJEKT - TRUSOPPLÆRING - SOKNERÅDVAL

Gudstenester

Søndag 25. juni

kl 11.00 Aukra kyrkje
Takkoffer: Kirkens bymisjon

Søndag 09. juli

kl 11.00 Aukra kyrkje
Takkoffer: Diakoni

Søndag 30. juli

kl 11.00 Aukra kyrkje
Takkoffer: Kyrkjebladet

Søndag 13. august

kl 11.00 Aukra kyrkje
Takkoffer: Misjonsalliansen

Søndag 27. august

kl 11.00 Aukra kyrkje
Utdeling av "Bibel for born" til 6 åringer"
Takkoffer: Trusopplæring

Søndag 03. september

kl 11.00 Julsundet
Utdeling av "Bibel for born" til 6 åringer"
Takkoffer: Trusopplæring

Søndag 24. september

kl 11.00 Julsundet
Takkoffer: Ung kirkesang Nidaros-Møre

Søndag 01. oktober

kl 11.00 Aukra kyrkje
Takkoffer: Trusopplæring

Søndag 15. oktober

kl 11.00 Aukra kyrkje
Takkoffer: TV-Aksjonen Redd Barna

Søndag 22. oktober

kl 11.00 Julsundet
Takkoffer: TV-Aksjonen Redd Barna

Aukra prestegjeld

Opningstid: måndag til fredag 10-14

Telefon: 468 40 719

Adresse: Skogvegen 1a, 6480 Aukra

Epost: kirkjekontoret@aukra.kommune.no

www.aukrakyrke.no

Personale:

Kyrkjeverjekvarar: Max Ingar Mork og Sigurd Moltubakk

Prest: Kristian Finn Risung

Kantor: Robert Coates

Trusopplærar: Ewy Marie Tofte

Kyrkjetenar: Britt Karin Laastad

Kyrkjegardsarbeidar: Geir Ove Tangen

Klokkar: Ann Ingeborg Julnes

HALL OF FAME?

Av *Kristian Finn Risung*

Nå er vi godt igang! Du har no det andre nummeret av kyrkjelydsbladet i handa. Det vil si: det andre bladet som berre er for Aukra sokn.

Påskeliljene på marka er på retur og vi ser konturane av ein sommar. Det gjer godt, etter ein snørik av-og-på-vinter! Initiativtakar og redaktør, sokneprest i Aukra Johan Julseth, var primus motor og han honorerte alle dei som valte å gje eit lite bidrag inn i økonomien i kyrkjelydsbladet. Dei vart nemde med namn i bladet og kor mykje dei hadde gitt. Det ble etter kvart mange namn og mykje spalteplass som vart fylt opp med dei namna. Vi kan anta at det tente til inspirasjon for dei folka i bygda som enda ikkje hadde gitt sitt bidrag. Eg er ikkje sikker på om det er vegen å gå for vårt blad i 2023, men når sant skal seiast, så treng vi faktisk dei gåvane vi kan få, vi og! Bladet er ikkje sjølvfinansierande og sjølv om soknerådet har bidrige med økonomi inn til dei fyste nummera, så kan vi ikkje rekne med at det kan fortsette i same leia. Kvart nummer kostar oss omlag 40.000,-. Det tydar at kvart enkelt blad kostar omlag 30kr.

Vi kan ikkje sette av noko plass til «Hall of fame» for dei som har bidrige, men vi kan ønske at alle dei som har nokre kroner å bidra med –nettopp gjer det! Så kva kan du få tilbake for di gav? Inntil vidare har vi ikkje noko anna attraktivt å tilby enn at du aukar moglegitene for at bladet overlever ei stund til. Så får vi håpe at det vi skriv i desse blada skal gje deg ei tid med engasjerande og godt lesestoff....og kanskje du får skrivekløe og vil dele noko med dei andre lesarane? Det er mogleg så lenge bladet har pengar til å drive! For det prega og dei blada som kom ut etter oppstarten i 1943. Bygda bidrog med stoff! Både lyrikk og meningar! Små innlegg og større.

I og med at bladet blei starta under krigen, så vart nok all kontakt som kunne binde saman prestegjeldet kjærkommen. Tida gjekk, og bladet bestod –heilt frå etter krigen og til no –om enn i litt endra form i dag. Og vi trur at bladet også i dag, for mange, kan være noko av det same limet for fellesskapet i kyrkjelyden no som då!

KYRKJEBLADET

Årgang: 80 Nr 2 Sommar

Neste nummer: Haust

Redaksjon:

Kristian Finn Risung, Jostein Vengen,

Berit Marie Sporsheim, Svein Løwe og

Ewy Marie Tofte

Layout: Ewy Marie Tofte

Trykk: EKH

Kasserar: Kyrkjeverje i Aukra

Epost:

aukrakyrkeblad@gmail.com

Bladet er gratis og kjem ut til alle husstander i Aukra kommune.

Ta kontakt om du ønsker å bli abonnent og bur uttafor kommunen.

Bladet er gratis for alle.

Takkeannonse er gratis.



NO LIVNAR DET I LUNDAR

Av: Kristian Finn Risung

No livnar det i lundar,
no lauvast det i li,
den heile skapning stundar
no fram til sumars tid.

Salme 844 i salmeboka er ein herleg vårsalme! Vi har etter ein gong fått sjå den praktfulle påskeliljemarka -og enda eit år har eg kjent meg heldig som får lov å bu midt i dette vårunderet!

Påskelilja har ein spesiell plass i våre hjarte her i Aukra. Kyrkja er dekorert med påskeliljer, og den kvite stolaen og messehakelen er pryda med påskeliljer. Eg er så stolt over å få brukha dei kyrkjelege stasplagga i kyrkja vår. Juledagane, påskedagen og fram mot pinsen og ikkje minst konfirmasjonane brukar eg det kvite settet. Det symboliserer høgtid i kyrkja. Fest og glede! Påskelilja er blomsteren som symboliserer oppstandelsen. Jesu oppstode og sigeren over døden. Påskelilja er ein håpsblomster!

ANNONSER

BUNNPRIS
AUKRA



AUKRA™

Aukra kommune

Han ligg i jorda som død, verna i ei vogge av ei løk djupt i mørkeret. Men kvar vår spirar og gror ho - trengjer seg opp frå jorda og lar oss forstå at det er sprengkraft i oppstoda. Sprengkraft i vona og ikkje minst sprengkraft i nåden. Det er ein legedeforteljing om tidlegare sokneprest i Aukra, Alexander Borch, som stal med seg nokre blomsterløk frå Golgata-hagen på sin reise til Det heilage land i 1720. Angeren tok han og han kasta blomsterløkane øst for Aukra kyrkje. Han skriv i boka si:

"Så sant der er, at det intet av disse løker gror, så sant der er, at jeg ikke sjefred får på denne jord. Jeg kaster de derfor øst for Aukra kirke".

Snart er 300 år gått. Og påskeliljene blomstrar på marka med same styrka og same krafta som dei fyste påskeliljene må ha blomstra. Eg tenkjer at dei må ha gjeve salige sokneprest Alexander Borch sjefred.

Og kvar vår vitnar dei ikkje berre om at Borch fekk fred for si synd, men at den same nåden som han fekk, den har vi og del i!

Ikkje berre ei enkel melding frå Vårherre om at det var greitt, men 300 år med blomstrande nåde som eit sterkt og slåande uttrykk for ein nåde som aldri tek slutt men heller er ny og sterkt og aukande! Halleluja!

Du vår med ljose dagar,
med lengting, liv og song,
du spår at Gud oss lagar
ein betre vår ein gong,
då me med vigsla tunge,
med kjærleik heil og klår,
alt utan brest og sprunge
skal lova Herren vår!

GLIMT FRÅ TYSDAGSKAFE

AV PEDER NEDRELIÐ

Tysdagane – midt på dagen – kjem det god vaffellukt frå kjøkkenet og interessante pensjonistar møtest på KLH. Audhild Rude (84) og Bjørn Foss (89) er stamgjester. Audhild er fødd og oppvaksen i Løvika og kjenner mange her. Bjørn, som Oslo gut synest det er kjekt å treffe og bli kjent med nye folk.



Spesielt set dei pris på dei kulturelle innslaga kl 12.00. Organist Robert får mange go'ord om det han presenterer i ord og tonar. Når du treff seniorar med lang livserfaring, er det mange tema som kjem fram. Bjørn er sivilingeniør frå univ. i Edinburgh og kom til Molde og var med på å bygge opp transportlinja- logistikkavdelinga på Høgskulen. Han kan også fortelje frå tida i Samferdselsdepartementet der han som ung arbeidde saman med statsråd Kyllingmark. Arbeid ved Transportøkonomisk institutt og internasjonale utgreiingsarbeid står på cv'n hans. Så møtte han Audhild som var enkje og som hadde brukt utdanning og visdom i Attføringerstenesta og seinare i Molde kommune som flyktningekonsulent. Dei traff kvarandre og vart lykkeleg gifte på Romsdalsmuseet.

No bur dei i eit vakkert og lettstelt hus på Falkhytta.

Og vi, som arbeider frivillig, ynskjer andre og nye inn i dette fellesskapet med vaflar – god prat og hyggje. Velkomne til oss. Det er ein godkombinasjon å starte dagen med ein tur inn i dei fine turløypene i Aukraskogen og å vere med på kvardagsmesse i kyrkja den første tysdagen i kvar månad.

Frivilligkeit

AV SVEIN LØWE

Noko av det som set ekstra preg på gudstenestene våre og aktivitetane i kyrkjelydshuset, er dei frivillige som stiller opp og utfører ulike oppgåver. Dersom du arbeider som frivillig, blir du også ein del av eit fellesskap. Men så er det slik at også frivillige kan synest at nok er nok. Ein gong må ein få lov til å seie at ein vil ha avløysing.

Derfor treng vi heile tida folk som ser det som oppgåva si å gjere noko for kyrkja vår. Ideelt sett burde det vere slik at alle som kjenner seg heime i kyrkja, også har ei oppgåve, stor eller lita. Alle oppgåvene er viktige. No har vi ein gudsteneste plan der det er sett opp frivillige fram til sommaren, men til hausten må det fyllast på med nye namn. Eg trur Robert saknar forsongarkoret sitt som gjekk av for aldersgrensa, så tenk om nokon kunne tenke seg å live opp gudstenestene med song. Oppe på galleriet sit det også nokon og filmar gudstenesta. I dag er det berre menn, men ein treng absolutt ikkje vere mann for å handtere eit videokamera. Nede i kyrkja har vi kyrkjevertar, og det er veldig kjekt å bli ønskt velkommen når ein kjem i kyrkja. Likeeins er det fint med folk som kjem i kyrkja med kaffi og noko å bite i, slik at vi får ein grunn til å stoppe og slå av ein prat med andre som også er i kyrkja. Når det er barnedåp, er det godt for dåpsfolket å bli møtt av ein dåpsvert som kan hjelpe dei litt til rette. I kyrkjelydshuset har vi tysdagskafe, og har du lyst til å vere med å steike vaflar, så er du velkommen i gjengen. Vi har også eit tilbod om å hjelpe til i minnesamver etter gravferd. Fint om nokon kan vere med på det

Ledige stillingar

Filmar
Dåpsvert
kyrkjevert
Kyrkjekaffi
Tysdagskafe
Forsongarkor
Minnesamvær
Trusopplæring

GUD DU ER IKKE I MIN VERDEN.

AV: Berit Marie Sporsheim

MIN SALME

Tekst og melodi av Kristin Solli Skøyen, f. 14.06.54.

Ho var bare i tenåra Kristin Solli, da hun i 1969 skreiv tekst og melodi på denne visen
"Gud, du er ikke i min verden, allikevel er jeg i din.".

Sidan den tida gifta Kristin seg med Harald Schøien, ho er forfatter, visedikter og komponist, og har vært universitetslektor ved Menighetsfakultetet. Fleire av visene hennar er no tatt inn i den nye salmeboka.

Denne Salmen vart mykje brukt i det kristne ungdomsarbeidet i skolelag og ungdomslag på 70- og 80 talet. Teksten er enkel og direkte, og talar særleg til ungdom på ein forståeleg måte.

Teksta skildra det som skjer i ein ungdom i møte med Guds ord. Vi møter ein Gud som har oss i sitt hjerte før vi i det heile tenker på han. Vi kan gløyme han, men han gløymer aldri oss. Når vi får legge vår hand i Guds, er vi trygge.

Ei spesiell helsing til konfirmantane med denne salmen!



ANNONSER

ODD SMÅGE AS
MASKINENTREPENØR
- strekker seg enda litt lengre

LA DEN SISTE REISEN bli til oss

Den gode campingopplevelsen,
lukken av ny bil,
fridens følelsen av hadde...

Den er nå forbi.

IOTFE GJENVINNING AS

Kontakt oss på
Tlf. 71 20 30 90

Levér bil, campingvogn og motoriserte kjøretøy til oss...Vi har stålkontroll!

BYGG OG DATA
post@byggogdata.no | Tlf. 473 79 695

Vers 1
Gud, du er ikke i min verden,
allikevel er jeg i din.
Selv om jeg synder, så har du mig kjær.
Nå ser jeg, hvor galt det er,
at du ikke er i mit hjerte.
Allikevel er jeg i din.
Du av nåde mig gav
dette overflodshav –
og allikevel glemmer jeg deg.

Vers 2
Gud, du er ikke i min tanke,
allikevel er jeg i din.
Selv om jeg synder,
så har du mig kjær.
Nå ser jeg, hvor galt det er,
at jeg ikke holder din hånd,
men allikevel holder du min.
Du har sagt: Be og få!
Og hvis jeg banker på,
vil du selv lukke døren opp!

Vers 3
Gud, kom og vær du i min verden,
som jeg alltid er det i din.
Selv om jeg synder,
så har du mig kjær.
Nu ser jeg, hvor riktig det er,
at jeg alltid holder din hånd,
slik som du, Herre, holder i min.
Gode Gud, kom du inn
i mit liv og mitt sinn!
Du skal aldri mer utenfor stå.

Soknerådsvalet 2023

VI HAR SPURT
KANDIDATANE:
KVA ØNSKJER DU Å
SØRGJE FOR/GJERE/PÅVIRKE
I AUKRA SOKNE- OG
FELLESRÅD I DI PERIODE?



ERLEND
MELBYE



MARTA KRISTINE
EIDSKREM

HANS KRISTIAN
FURNES



Mitt mål er at fleire tek seg tid til å reflektere over viktige spørsmål i livet, og til å sette av eit kort øyeblikk i takknemlighet over de goder vi har. Eg meiner kyrkjå i Aukra skal gi tid og rom til både spørsmål og svar, men at fleire folk må finne vegen inn.



TERESE
HILDRE SOLEM

Eg ønskjer å legge til rette for ei varm og inkluderande kyrkjå der alle skal kjenne seg velkommen og ivaretatt.

JANNE
WIE



Frivillig innsats for medlemmer av kyrkja.
Bestemmelser som skjer i råd og utvalg må utløse frivillighet. Det må det tilrettelegges for.

ANNE BERIT
OTERHALS
SKREDE



Eg har lyst å jobbe for at kyrkjå og kyrkjelydshuset skal vere eit godt sted å vere for alle i Aukra kommune.

PER ARNE
RINDARØY



Mitt mål er å auke bruken av kyrja gjennom året, også utanom dei store høgtidene.

BRITT KARIN
HAAGEN
LAASTAD



Mitt mål er å være med på å løfte kyrkja, gudstenestene og de kirkelige handlingene. At kyrkja skal være godt tatt vare på og at de som kommer i kyrkja skal oppleve at det er godt å være der.

EDVIN MAGNE
NYBØ



Ønsker å sørge for streaming av gudstenester, begravelser etc og jobbe for at budskapet til soknet blir meir attraktivt for folk flest.

ANNONSER



**Brödr.
Hukkelberg**


Hårløkken

comfort
Comfort Aukra
Rørpartner COM AS
45480414



DATO: ??

Tid: 16-18.00

Program;

Middag

Aktivitetar

Andakt

Pris:

50kr for vaksne,

30kr for barn

30 kr for studentar

30kr for pensjonister

100kr pr familie

Kjerner verdier for Messy Church:

Kristussentrert
For alle aldre
Gjestfrihet
Kreativitet
Feiring

VELKOMEN TIL MESSY CHURCH!

AV: Evy Marie Tofte

Da Jesus var her på jorda, så oppholdt han seg ikkje inne i synagogene, eller satt utanfor tempelet og tvinna tommeltottar.

Jesus var der folket var, han snakka helst med dei som absolutt IKKJE kunne tenke seg å kome inn der.

Hadde Jesus vore her i dag, så hadde han kanskje hatt ein Tik Tok konto, spelt Minecraft og vært synlig i lokalmiljøet. Også er eg heilt sikker på at han hadde sote veldig lite INNE i kyrkja og venta på DEG.

"Messy church" vart til for å bygge fellesskap med Jesus for alle aldrer, med mat og fest. Det skal ikkje berre vere for barna men for alle.

Mamma og pappa har det kanskje veldig travelt, men for travelt til å seie nei til ferdiglaga middag? I tillegg blir det aktivitetar og leikar. Skal litt til å finne bedre deal!

Har du idear til brettspel eller andre ting som kan skje på desse dagane? Send oss en melding når du melder deg på :)

Som trusopplærar ønskjer eg å sjå DEG! Kom på middag da vel!

Dato, program og meny finn du på heimesida og FB :D



Messy church

Fordi livet er kaos, det er heftig og begeistret det er bråkete og mye. Og midt i alt når du føler at ingenting henger saman så er Jesus der. Han heier på deg og dere som familie,

Døypte

22.01	Oskar Magerøy
19.02	Mira Sporsem Fagervoll
19.02	Ailo Elias Skarshaug Rytter Sunde
09.04	Arthur Søreide Varhaugvik
09.04	Jørgen Hoksnes Bjerksetmyr
09.04	Noel Askstad Aleksandersen

— “ ANNONSER



Gravlagt

03.01	Emilie Strønstad	1924
03.01	Inger Rishaug	1930
13.01	Kristian Mareno Strand	1941
17.01	Hilde Margrete Skarshaug	1945
20.01	John Elliot Iversen	1940
31.01	Marta Olivie Hagen	1923
10.02	Per Julnes	1939
14.02	Audhild Raknes	1952
21.02	Magda Sofie Hoksnes	1930
03.03	Arnfinn Gullvik	1939
24.03	Anton Kåre Iversen	1949
11.04	Mathias Solem	1942
28.04	Knut Sætervik	1941
28.04	Sigmund Brenden	1939
05.05	Gudlaug Sporsheim	1928
26.05	Klara Simonsen	1932
06.06	Olav Sætervik	1944

Konfirmantar



Fotograf: Anita Grønland

Ane Hoksnes Olsen
 Charlotte Småge Nerlandsrem
 Christoffer Skarshaug
 Emma Søreide-Midtbø
 Ennita Jacobsen
 Isak Ilestad Villanger
 Isak Reset Holmen
 Kaja Cecilie Otterlei Haukvik
 Linea Sporsem
 Ludvik Kristoffer Husøy
 Mali Sørensen
 Martin Andreas Furnes-Viera
 Mia Sofie bjerkan
 Ole Småge Stubseid
 Selia Gjertine Aleksandersen
 Sigve Huse
 Silje Eckhoff Husøy
 Sivert Andrè Talset
 Sophie Aurora P.J Thomassen
 Vetele Hjelmås

ANNONSER

SpareBank 1 REGNSKAPSHUSET

Aukraringen 15, 6480 AUKRA
aukra@smnregnskap.no
 Tlf 71 17 40 04

TM BYGG
 SKOMAKARVEGEN 34,
 6480 AUKRA
 TLF: 406 24 848

Vikenco | 50 år
 1973 – 2023





HJERTELIG TAKK

For all omtanke, blomster, gaver og deltakelse i Sigmund Brenden sin bortgang og begravelse.

En varm takk til hjemmetjenesten og Aukra Omsorgssenter for god pleie og omsorg.

Hilsen Petra



MIN FØRSTE SALMEBOK

I slutten av april var 9åringane i kyrkjelyden inviterte til kyrkja for å få ei barnesalmebok.

Barnesalmeboka er ei fin bok å ha i heimen. Der kan ein lære ein del av dei sentrale salmane våre. Samstundes er det mykje bibelsoge å lære gjennom mange salmar. Litt leit er det at så få takkar ja til invitasjonen.

Men under gudstenesta hadde trusopplæraren vår ein engasjerande konkurranse om det sentrale innhaldet i kristendomen. Konkurransen heitte Salmeslag. Somme spørsmål var lette, og somme var verre.



STRIKKEGUDSTENESTE

Det var nok ein del som sperra augo noko opp då dei las i Budstikka i slutten av mars at det skulle vere strikkegudsteneste i kyrkja. Frå gammalt av var strikking noko som hørde kvardagane til, søndag skulle ein drive med andre ting.

Tidene har nok endra seg, så strikketyet er nok framme i mange heimar rundt i Aukra, også på søndagar. Så Aukra Husflidlag og staben hadde ein prat om ein kunne prøve å ha ei annleis gudsteneste der deisom ønskte det kunne ha med strikkinga si i kyrkja.



BRANNSLØKKING

No har vi kome så langt at vi har valt entreprenør som skal installere brannsløkkingsanlegget vårt. Det var to firma som leverte inn anbod, og dei stilte heilt likt i alt anna enn pris. Derfor fall valet vårt på Langseth Rør AS frå Averøy

FORMIDLING/OPPUSSING OG
FORNYING AV GRAVMINNE

ARNE HJELMÅS
NYJORDVEGEN 110,
6480 AUKRA
97 17 06 04

ANNONSE



LAUSE STOLAR I KYRKJA

Kanskje du har sett etter dei lause stolane som vart brukt når det elles var trontg om plassen i kyrkja. Dei er borte. Vi har hatt brannsyn som konkluderte med at det er viktig at rømmingsvegane er frie og ikkje blir hindra av lause stolar som står i vegen.

Administrasjonen i kyrkja og brannsynet gjekk nøye gjennom kyrkja og vurderte kor mange plassar vi har i kyrkja. Dei landa på at det bør ikkje vere meir enn 300 menneske inne i kyrkja på ein gong. Soknerådet har gjort eit vedtak at vi skal følgje rådet/ påleggjet frå brannsynet.

Dersom det på heilt spesielle arrangement oppstår problem med for mykje folk, vil dei som arbeider i kyrkja ha lov til å bruke sunn fornuft.

Det vart ei fin gudsteneste, og presten greidde på ein fin måte å flette strikkinga inn i den kristne bodskapen. Dagen før arrangerte Husfidlaget strikkekafe i kyrkjelydshuset der mange hadde med seg handarbeid, og der ein fekk seg både ein god prat og kaffi og vaflar.

Seinare har ein også sett at det har vore arrangert strikkegudsteneste andre stader i landet, m.a. i Trøndelag.

FEITETYSDAG

AV: Berit Marie Sporsheim.



Tysdag den 21. februar feira vi «Feitetysdag» på Kyrkjelydshuset. Takka vere hjelp av mellom anna Bygdekvinnelaget som tok ansvar for kjøkkenet, greidde vi i år å ta denne tradisjonen opp igjen. Det var salg av rømmegrøt og risgrøt, og inntekta gjekk til Misjonsprosjektet som kyrkjelyden har. Mange møtte fram til eit triveleg sosialt samvær. Grunna pandemien er det no to år sidan sist vi hadde dette arrangementet, og vi er svært takksam til damene frå Bygdekvinnelaget som stilte opp.

PÅSKELILJEMARKA PÅ GOSSEN

Av: Marit Sand Rønstad

Mange kjenner Marit. Ho kom hit til Aukra som lærar i 1971 og har jobba her i over 40 år i skolen. Ho gifta seg med Alf, dei busette seg i Hogsneset, og dei har etterkvart fått to barn og åtte barnebarn. Som pensjonist likar ho å skrive og ta naturbilete. Ho har gitt ut boka: «Dikt og slikt», der vi m.a. kan lese om Påskelijemarka. Vi er takksam for at vi fekk låne dikta hennar også i dette nummeret.

En prest hadde gjort noe galt,
har historien fortalt.
Han hadde vondt i hjertet,
og dro til Jerusalem med litt smerte.

En pilgrimsferd til Jerusalem,
men også der var presten litt slem.
Fra hagen ved Golgata,
stjal han no'n løker han ville ha.

Borch putta løk i en pose med jord,
og dro til Aukra, der liljene nå gror.
Men tilgivelse og sjlefred,
ville Agerøe-presten få det?

Han kasta løken ved kirken, øst.
Han håpa smerten inni hans brøst,
ville forsvinne om han fikk se,
ei påskelilje, fin som bare det.

Og presten Borch fikk da tilgivelse,
og dermed også sjlefred.
I trehundre år har gleden vært stor
å se på marka der liljene gror.

Forfatter: Marit Idun Sand Rønstad,
fra boka «Dikt og slikt».



GUDSTENESTE PÅ ORTEN



Ein gamal tradisjon har etter kvart vorte teken opp att. Det er at på Kristi Himmelfartsdag vert det arrangert gudsteneste på Orten. Tidlegare var det Sandøy sokn som arrangerte gudstenesta, men etter at Orten vart ein del av Aukra kommune, er det Aukra sokn som står for arrangementet. Pga koronaen var det opphold eit par år, men i fjar vart tradisjonen teke opp att. Ferjetidene er lagt opp slik at det høver godt med ein ettermiddaggsgudsteneste, og 20 – 30 menneske fann vegen til den minste delen av Aukra. Det kom folk både frå Aukra, Sandøy og Molde. Det vart gudsteneste med fokus på Jesu himmelfart, og løfte om at vi ikkje skal bli att hjelpelause på jorda. Gudstenesta vart halden i Bestestaua, Orten sitt eige samlingshus. Etter gudstenesta hadde Ragnhild Thingstad som også styrer mykje med Bestestaua, laga tilkyrkjekaffi. Det var ikkje ein vanleg kyrkjekaffi med ein kaffikopp og noko å bite i. Menserveringa var smørbrød, pølse med brød og kaker. Alle kunne bli mette av mykje god mat. Det kan sjå ut til at turen til Orten blir fin tradisjon også i åra framover, så kanskje Bestestua etter kvart vert for lita.

Møre Bispedøme 40 år!

I SAMBAND MED 40 ÅRS FEIRINGA TIL MØRE BISPEDØME KJEM DET TIL Å VERE EIT ARRANGEMENT OGSÅ HER PÅ GOSSEN, MEIR INFORMASJON KJEM PÅ FACEBOOK OG HEIMESIDA.

MISJONSNYTT

AV SVEIN LØWE

Misjon Uten Grenser (MUG) arbeider stadig for å betre livstilhøva til Folk i Aust Europa. I Aukra har vi ønske om å støtte spesielt folk i Moldova, Europa sitt nest fattigaste land. Så veit vi at situasjonen i Europa også tilseier at mykje av støtta vil gå over grensa til nabolandet Ukraina. Vi er stolte over å kunne vere med og yte vår støtte til dei som lid under angrep og undertrykking.

Klesinnsamling.

Klesinnsamlinga går for fullt. Vi tek imot det som kjem inn av klede, i desse dagar er det folk som sorterer og pakkar klede som skal sendast vidare til Porsgrunn. Klede kan framleis leverast på Kyrkjelydshuset i opningstida, eller når det elles er arrangement der. Dersom du kjem til ei stengt dør, så set kleda utanfor, så vil dei bli ivaretatt nokså snart. Coop har eit tilbod til lag og foreiningar om å søkje om å få eit sett med drakter til eit fotballag. For nokre år sidan søkte vi om dette til barn i Moldova. Vi gav som grunn for søknaden at barna i Moldova som er knytt opp mot arbeidet til MUG, kvart år får eit tilbod om ein sommarleir. Sommarleirane består av leik, moro, god mat og også å få høyre om Jesus. Det ville vere fint om barna kunne kle seg i fotballdrakter når dei spelte kampar på leir. Responsen frå Coop har vore veldig god. Vi har fått enten sett med fotballdrakter eller T-skjorter til skolestart for dei yngste elevane. Også i år har det kome ei kasse med drakter til 10-åringar og leiarar.

Aksjon skolesekk.

Aksjon skolesekk bør vere kjent for mange, for vi har hatt den om våren og sommaren i fleire år. Skolegang i Moldova er gratis, men elevane må sjølve skaffe seg skolesekk som med skolemateriell som skrivebøker, skrivesaker og matboks. Vi startar aksjonen no, slik at skolesekken kan vere på plass når skolen startar til hausten. Tidlegare år vi samla inn pengar til om lag 30 sekkar, kanskje vi greier å auke talet i år. Skolegang er viktig for barna i Moldova for å kome seg ut av fattigdom. Dei som går på skolen, får også tilbod om å kome til eit misjonssenter på ettermiddagen der dei får leksehhjelp og eit godt måltid mat kvar dag.

**AKSJON
SKULESEKK
2023**

Frem til
1. september



Pris for ein
skulesekk med
skuleutstyr

250,-



**SKOLEGANG I MOLDOVA ER
GRATIS, MEN ELEVANE MÅ
SJØLVE SKAFFE SEG
SKOLESEKK, MED
SKOLEMATERIELL SOM
SKRIVEBØKER, SKRIVESAKER
OG MATBOKS.**

Misjonsbasar.

Det er gledeleg at nokon har sagt seg villige til å hjelpe til å arrangere ein misjonsbasar til inntekt for misjonsprosjektet vårt. Derfor tar vi sikte på at det vert basar i siste halvdel av februar neste år. Men det er fint å vere ute i god tid og tenkje gevinstar. Vi vil gjerne ha gevinstar som passar til loddbook, åregevinstar og gevinstar som passar for ungar som kjem på basar. Vi har allereie fått inn noko, og vi har eit lager der vi tek vare på det som kjem inn, så det er berre å levere inn dersom du vil bidra.

Misjonsprosjektet er vårt.

Vi synes det fint kyrkja i Aukra har eit misjonsprosjekt der ein kan vere med å gjere Jesus meir kjent i et anna land. Samstundes får vi hjelpe med materielle ting som mat, klede og anna utstyr. Vi ønskjer at vi skal kunne «eige» dette prosjektet og gjere noko meir ut av det enn berre gi ei gáve i form av ofring på ein gudsteneste. Derfor er du som les dette, velkommen til å vere med og bidra med klede, gevinstar og pengar til støtte for misjonsprosjektet. Ønskjer du å engasjere deg personleg, er du også hjarteleg velkommen til det.

Returadresse:
Aukra sokn
Skogvegen 1a
6480 Aukra

KYRKJETENARANE PÅ GOSSEN

Av: Jostein Vengen

Fleire av dei som er innom Aukra kyrkje til gudsteneste, gravferd eller andre samlingar, kommenterer kor fint alt er pynta og tilrettelagt i kyrkja. Vi er så heldige å ha to dyktige kyrkjetenarar som står bak dette.

Britt Karin Laastad tek seg av det praktiske inne i kyrkja i samband med gudtenester, gravferder og andre samlingar. Det er mykje som tilretteleggast. Det skal ordnast og pyntast og sjåast til at alt er på plass. Britt Karin har jobba som kyrkjetenar i over eit år. Ho syter for klokkeringing, vaskar i kyrkja og kyrkjestova, møter på stabsmøte, tel opp takkoffer og set pengane i banken og pyntar og tilrettelegg for det som skal skje i kyrkja. Og ho møter den som kjem til kyrkja på ein varm og fin måte.



Mange vil seie at gravplassen ved Aukra kyrkje er av dei vakraste i området.

På utsida er det Geir Ove Tangen som har ansvaret. Arbeid som må gjerast i samband gravferder er det han som tek seg av. Mange vil seie at gravplassen ved Aukra kyrkje er av dei vakraste i området. Om vinteren er det brøyting og strøing slik at folk kan ta seg trygt fram. Elles i året er det stell av gravplassen og uteområdet og vedlikehald av bygningane. Geir Ove har ansvaret for vedlikehald av kyrkje og kyrkjelydshus, og gjer vaktmesterteneste når det er behov for det. Dette arbeidet krev samarbeid med dei andre tilsette, så også han deltek på stabsmøte ein gong i veka.

Oppgåvene til ein kyrkjetenar er mange og tidkrevande, men både Britt Karin og Geir Ove trivst i jobben, og brukar den tida dei treng for å gjere jobben skikkeleg. Det er kanskje ikkje alltid vi møter eller ser desse to kyrkjetenarane våre når vi kjem til kyrkja. Men har vi augene opne ser vi fruktene av arbeidet deira. Difor er vi takksame for arbeidet dei gjer til beste for oss alle.

STØTT OPP OM KYRKJEBLADET

VIPPS:

614331

Eller til

Kontonummer:

4065 62 02574

ELDRE UTGÅVER AV KYRKJEBLADET FINN DU HER:

